

आकाशवाणी

खबरां

1 विदेश मंत्री डॉ. एस. जयशंकर होरें आखेआ जे भारत बंगलादेश च भारतीय नागरिकें उप्पर कूटनीतिक अभियानें राणें नेडमी तक्क रक्खा'रदा ऐ ते संपर्क च बी ऐन।

2 बीएसएफ दे महानिदेशक दलजीत सिंह चौधरी होरें भारत बंगलादेश बन्ने परा पच्छिम बंगाल दे उत्तर 24 परगनास जिले दा दौरा लाया।

3 लंदन च भारतीय उच्च आयोग नै शैहरिणं लेई परामर्श जारी करिये उत्थे बने दे हालात ताई उत्थे दी यात्रा करदे बेल्ले सौहगा रौहने दी गुजारश कीती ऐ।

4 लोकसभा च माली बिल 2014 विचार-विमर्श ते पास करने गितै पेश कीता गेआ।

5 सर्बानंद सोनोवाल होरें आखेआ ऐ जे मुख बंदरगाहें च निजी क्षेत्रें दी भागीदारी गी पी.पी.पी आधार उप्पर इजाजत दिती जाग।

<><><><><><>

RS-Jaishankar-Bangladesh

बंगलादेश च अशांति दे चलते भारत-बंगलादेश च भारतीय नागरिकें कन्ने कूटनीतिक अभियानें राणें नेडमें ते लगातार संपर्क च ऐ। बंगलादेश च बने दे हालात उप्पर संसद दे दौनें सदनें च आपूं संज्ञान आहले बयान च अज्ज विदेश मंत्री डॉ. एस. जयशंकर होरें आखेआ जे इस्सलै कोई 19 ज्हार भारतीय नागरिक बंगलादेश च न जिस च कोई 9 ज्हार विद्यार्थी बी शामिल ना। उनें आखेआ जे ढाका च उच्च आयोग दी सलाह उप्पर पिछले महीने बडे मते विद्यार्थीं गी भारत च वापस आनेया गेआ। डॉ. जयशंकर होरें लोकसभा ते राज्यसभा च जानकारी दिती जे सरकार अल्पसंख्यकें दे हालात ताई नेडमीं तक्क रक्खा'रदी ऐ। बक्ख-बक्ख किट्टें ते संगठनें आस्सेआ उंदी सुरक्षा ते सलामती गी यकीनी बनाने गितै पैहल दियां खबरां ना। उनें आखेआ जे भारत नेह पैहल दा सुआगत करदा ऐ, मगरा जिच्चर उत्थे कनून बवस्थ बहाल नेई होई जाग, इस उप्पर चैंता बनी दी रौहगा। उनें आखेआ जे भारती बन्ने दी हिफाजत करा'रदे बल गी हालात दे मद्देनजर विशेष निर्देश बी दित्ते गे'न। उनें आखेआ जे बंगलादेश दियां प्रधानमंत्री शेख हसीना होरें सुरक्षा इदारें दे नेताणं कन्नै बैठकां मगरा अपने औहदे थमां इस्तीफा देने दा साफ तौरा पर फैसला लैता। उनें जानकारी दिती जे उनें किश वक्फे लेई भारत औने दी इजाजत दी गुजारश कीती ही ते पिछले संज्ञा दिल्ली पुजियां हियां। पिछले 24णं घैंटें च सरकार ढाका च अधिकारिणं कन्नै लगातार संपर्क च ना। विदेश मामले दे मंत्री होरें आखेआ जे बंगलादेश च हालात अजें बी स्थिर नेई ऐन। बंगलादेश फौज प्रमुख General Waker uz Zaman होरें कल राश्ट्र गी संबोधित करदे होई उनें जिम्मेदारी गी संभालने ते अंतरिम सरकार बनाने दे बारे गल्ल कीती। गुआंडी मुखें ताई भारत दी कूटनीतिक मौजूदगी दे बारे मंत्री होरें जानकारी दिती जे ढाका च उच्च आयोग दे अलावा चित्तगौंग, राजशाही, खुलना ते सेल्हट च सहायक उच्च आयोग ना। उनें आखेआ जे भारत मेद करदा ऐ जे मेजबान सरकार इनें ईमारतें लेई सुरक्षा प्रदान करे ते हालात दे साजगार होने ते रमानदारी दा बी इच्छुक ऐ।

<><><><><><>

WB-BSF-DG

सीमा सुरक्षा बल बीएसएफ महानिदेशक दलजीत सिंह चौधरी होरें पच्छिम बंगाल च उत्तर 24 परगना जिले च भारत-बंगलादेश बन्ने दा दौरा कीता। उंदे इस दौरे दा मकसद बन्ने आले क्षेत्रें च बीएसएफ दी त्यारिएं दते रणनैतिक स्थाबै गतिविधिएं दा जायजा लैता। बंगलादेश दी स्थिति गी दिखदे होई बीएसएफ नै सुरक्षा बदाने आस्तै भारत बांगलादेश सीमा पर अलर्ट जारी कीता ऐ।

<><><><><><>

RS-Minimum Balance

केंद्री खजाना मंत्री निर्मला सीतारमण होरें साफ कीता ऐ जे पीएम जन-धन खाते ते बुनियादी बचत जमा खातें लेई घट्टोघट्ट बाकी दी रकम दी जरूरत नेई ऐ। राज्यसभा च प्रश्नकाल दौरान इक जिमनी सुआले दा परता दिंदे होई बक्ख-बक्ख बैंकें आस्सेआ घट्टोघट्ट बाकी दी रकम नेई रखने उप्पर खाताधारकें शां वसूले जाने आहले शुल्क उप्पर इयां आखेआ। खजाने लेई राज्यमंत्री पंकज चौहान होरें आखेआ जे सरकार दा माली धोखा धड़ी गी दना बी बर्दाश्त नेई करने दी नीति ऐ। उनें जानकारी दित्ती जे माली धोखाधड़ी गी घट्ट करने गितै बैंकें ते आरबीआई आस्सेआ नेकां गैह पुट्टियां जा'रदियां ना।

<><><><><><>

India-UK

लंदन च भारतीय उच्च आयोग नै इक परामर्श जारी कीती ऐ जिस च बरतानिया च हाल च बने दे हालात गी दिखदे होई बरतानिया दी यात्रा करदे बेल्लै नागरिकें गी सौहगा रौहने दी गुजारश कीती ऐ। परामर्श च भारत थमां यात्रुएं गी मकामी खबरें गी दिक्खी-सुनिये ते मकामी सुरक्षा एजेंसिएं आस्सेया जारी सलाह गी सुनिये जित्थे प्रदर्शन चला'रदे न, उनें लाहकें च यात्रा कौलां परहेज करने दी सलाह दित्ती गई ऐ।

<><><><><><>

LS-Finance Bil

लोकसभा च माली बिल 2024 सोच-विचार ते पास करने गितै पेश कीता गेआ। चर्चा गी अग्गे बदांदे होई कांगेस दे डॉ. अमर सिंह होरें दोष लाया जे केंद्रीय बजट च मती कमाई आहले किट्टें गी राहत थ्होग ते मध्यम वर्ग ते घट्ट औंदन आहले वर्ग दा कोई ध्यान नेई रक्खेआ गेआ ऐ।

<><><><><><>

RS-Waterways

सरकार नै जानकारी दित्ती ऐ जे पिछले 10एं बरें च 106 अतिरिक्त जलमार्गें गी राष्ट्रीय जलमार्ग घोषित कीता गेआ ऐ। राज्यसभा च जिमनी सोआलें दा परता दिंदे होई बंदरगाहें, ज्हाजरानी मंत्री सर्वदानंद सोनोवाल होरें आखेआ जे पिछले 10एं बरें च जलमार्ग राएं माल दुआई च 6 गुणा इजाफा होआ ऐ। बरे 2013-14 च जलमार्ग राएं 18 मिलियन मीट्रिक टन माल दुआई होई ऐ। 2023-24 बरे च एहदी क्षमता बदिए 133 मिलियन मीट्रिक टन होई गई। मंत्री होरें आखेआ जे जलमार्ग राएं लागत च कमी औंदी ऐ ते एह माल दुआई लेई सब्बनें शा असान तरीका ऐ।

<><><><><><>

RS-AIIMS

सरकारै आखेआ ऐ जे प्रधानमंत्री सेहत सुरक्षा योजना तैहत मुल्ख भरै च 22 नमें अखिल भारतीय आयुर्विज्ञान संस्था एम्स गी मंजूरी दित्ती गई ऐ। राज्यसभा च प्रश्नकाल दौरान जिमनी

सोआलें दा परता दिंदे होई सेहत ते परोआर कल्याण राज्यमंत्री अनुप्रिया पटेल होरें एह गल्ल आक्खी। उनें आखेआ जे 19 एम्स नै कम्म करना शुरू करी दिता ऐ। उनें दस्सेया जे प्रधानमंत्री सेहत सुरक्षा योजना तैहत मुल्ख च एम्स दी गिनतरी बदाई गई ऐ।

<><><><><><>

LS-PM-Kissan

केंद्र नै पी.एम किसान सम्मान निधि योजना तैहत 11 करोड़ थ्वां मते लाभार्थी करसानें गी हुनै तगर 3 लक्ख 24 ज्हार करोड़ रपे बंडे ना। लोकसभा च इक लिखित पते केंद्री कृषि ते करसान कल्याण राज्यमंत्री रामनाथ ठाकुर होरें आखेआ जे अजें तगर प्रतक्ख लाहू उपलब्ध करोआने आले सरिस्ते राएं लाभार्थीं गी 17 किश्तां जारी कीतियां जाई चुकी दियां ना। पी.एम करसान योजना दे तैहत लाभार्थीं गी हर बरे 6 ज्हार रपे दा माली लाहू 3 बरोबर किश्तें च दिता जंदा ऐ।

<><><><><><>

RS-Ports

सरकार नै आखेआ जे मुल्खै च कुसै बी मुख बंदरगाह दा निजीकरण नेई कीता गेआ ऐ ते जिमी ते तट दा मालिकाना हक सरकार कौल गै ऐ। एहदे उप्पर राज्यसभा च इक लिखित परते च बंदरगाहें, ज्हाजरानी ते तटें सरबंधी मंत्री सर्बानंदा सोनोवाल होरें आखेआ जे मुख बंदरगाहें चा किश परियोजनाएं लेई सरकारी निजी भागीदारी दे आधार उप्पर निजी क्षेत्र दी भागीदारी दी इजाजत दिती गई ऐ। सोनोवाल होरें दस्सेया जे छूट आहला समें मुक्कने दे बाद बंदरगाह सरबंधी संपत्ति बंदरगाह प्राधिकरणें गी वापस सौंपेया जाग। मंत्री होरें जानकारी दिती जे केंद्र सरकार तैहत 12 मुख बंदरगाह न ते 217 गैर प्रमुख बंदरगाह राज्य समुंद्री बोर्ड आस्सेआ चलाया जा फही उंदे नियंत्रण च ना।

<><><><><><>

LS Make in India

देसै च 'मेक इन इंडिया' पैहल तैहत हवाई पट्टी रक्षा, एहदे नै सरबंधित उपकरण जैव सरबंधी टेक्नोलॉजी, कपडा-सैलसफा ते खातर तवज्जो, शिक्षा सेवाएं सने सने 27 उत्पादन ते सेवा क्षेत्रें गी ला थ्होआ'रदा ऐ। लोकसभा च इक लिखित पते च बंज बपार ते उद्योग मंत्री जितिन प्रसाद होरें आखेआ जे मेक इन इंडिया पैहल 25 सितंबर 2014 गी निवेश ते नमिं काडुं, बुनियादी ढांचे दे निर्माण ते देश गी विनिर्माण, नमिं काडुं, डिजाइन ते निर्माण दा केंद्र बनाने लेई शुरू कीती गई ही।

<><><><><><>

RS-Renewable-Energy

राज्यसभा च नमी ते परतिए-परतिए बरतोने आले उर्जा मंत्रालय दे कम्मकाज पर चर्चा परतिए शुरू होई। चर्चा च हिस्सा लैंदे होई भारतीय जनता पार्टी दे अमर पाल मोर्य होरें आखेआ जे सरकार नै करोड़ां बद्दे परोआरें गी एल.ई.डी बल्ब उपलब्ध करोआए न जेदे कन्नै 45 अरब यूनिट उर्जा दी बचत होई ऐ। उनें आखेआ जे प्रधानमंत्री नरेंद्र मोदी हुंदी अगुवाई च विकास ते पर्यावरण संरक्षण दा कम्म कन्नोकत्री चला रदा ऐ। उनें आखेआ जे सरकार नै प्रधानमंत्री सूर्य घर मुफ्त बिजली योजना तैहत इक करोड़ परोआरें गी आनने दा लक्ष्य रक्खेआ ऐ। उनें दस्सेया जे इक करोड़ 8 लक्ख थ्वां बद्द परोआरें दा पंजीकरण सौर छत योजना तैहत होई चुकेया ऐ। NCP दी फौजिया खान होरें आखेआ जे परती-परतिए बरतोने आली उर्जा आस्तै बजट प्रावधानें पर खास ध्यान दिता जंदा ऐ। उनें दोष लाया जे कृषि भूमि च सौर उर्जा परियोजनाएं गी बढावा देने दी पी.एम कुसुम योजना अपने लक्ष्य पूरे नेई करी सकदी ऐ। सीपीआई दे संतोष

कुमार होरें आरोप लाया जे सरकार दी घोषणाएं च तालमेल नेई ऐ ते सरकार दियां घोषणा ते जमीनी सतह पर चीजां आपूं चै मेल नेई खंदियां।

<><><><><><>

All Party Meet

सरकार नै अज्ज बंगलादेश आले मामले च सर्व दलीय बैठक सद्दी। बैठक दौरान विदेश मंत्री एस. जयशंकर होरें बंगलादेश दे ताजा हालात दी जानकारी दिती। रक्षा मंत्री राजनाथ सिंह, गृह मंत्री अमित शाह, पार्लियामानी मामलें दे मंत्री किरेन रिजिजू ते केंद्री मंत्री ते बीजेपी दे अध्यक्ष बी बैठक च मौजूद हे। बैठक च लोकसभा च विपक्ष दे नेता ते कांग्रेस दे राहुल गांधी तृणमूल कांग्रेस दे सुदीप बंदोपाध्याय, एनसीपी-शरद पवार गुट दी सुप्रिया सुले, राष्ट्रीय जनता दल दी मीसा भारती, समाजवादी पार्टी दे प्रो. रामगोपाल यादव, डीएमके दे टी.आर बालू ते विपक्ष दे होर दुए नेता बी मौजूद हे।

<><><><><><>